



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno CCCCII. ad annum CCCCXXX.

**Parisiis, 1644**

XXIII. Vt episcopi, qui in dioecesibus fuerint ordinati, dioecesim sibi nullam vendicent.

**urn:nbn:de:hbz:466:1-14918**

ANNO CHRISTI  
424.  
\* liceat uentione. Si autem quod \* libet huic sedi vendicandum sibi fuerit arbitratus, necesse habes tu omnes ecclesias suffulcire. Vnde tibi non potestatem damus, sed tuam assignamus, vt liceat voluntati tuae semper tenere quem voles, vt præpositos plebibus vel ecclesiis constituas, qui postulati fuerint, vnde voles. Postumianus episcopus dixit : Deinde qui vnum habuerit, numquid debet illi ipse vnu presbyter auferri? Aurelius episcopus dixit : Sed episcopus vnu esse potest, per quem dignatione diuina presbyteri multi constitui possint: vnu autem episcopus difficile inuenitur constituendus. Quapropter, si necessarium episcopatu quis habuerit presbyterum, & vnu, vt dixisti frater, habuerit, etiam ipsum ad promotionem dare debebit. Postumianus episcopus dixit : Ergo si habet alius abundantes clericos, debet mihi alia plebs subuenire. Aurelius episcopus dixit : Sane quando tu ecclesiæ alterius subueneris, persuadebitur illi, qui plures habet clericos, vt vnu tibi ordinandum largiatur.

## XXIII.

Honoratus & Vrbanus episcopi dixerunt : Au- Cod. Can.  
cap. 56.  
Et in Carthag. III.  
cap. 46. diuimus constitutum, vt diœceses non mereantur episcopos accipere, nisi cum consensu eius sub quo fuerint constitutæ : sed in prouincia nostra, cum aliqui forte in diœcesi (concedente eo episcopo, in cuius potestate fuerant constitutæ) ordinati sunt episcopi, etiam diœceses sibi vendicant : hoc & corrigi caritatis vestræ iudicio, & inhiberi de cetero debet. Epigonius episcopus dixit : Singulis epi-

scopiis seruatum est, quod decebat, vt ex massa dicē-  
cessum nulla caperetur, vt proprium episcopum  
\* habuisset, nisi ipse consensum adhibuisset conce-  
dendi. Sufficiat enim si consenserit, vt eadem dicē-  
cessis permissa proprium tantum episcopum ha-  
beat, & ceteras sibi non vindicet dicēceses: quia  
exempta de fasce multarū, sola meruit honorem e-  
piscopatus suscipere. Aurelius episcopus dixit: Non  
dubito caritati vestræ omnium placere, eum qui in  
dicēcesi, concedente episcopo qui matricē tenuit,  
solam eamdem retinere plebem, in qua fuerit or-  
dinatus. Quoniam igitur vniuersa arbitror fuisse  
tractata, si omnia cum animo vestro conuenerunt,  
sermone vestro cuncta roborate. Vniuersi episcopi  
dixerunt: Omnia nobis hæc placuerunt, & hæc no-  
stra subscriptione firmauimus. Et subscriperunt:  
Aurelius episcopus ecclesiae Carthaginensis huic  
decreto consensi, & prælecto subscrīpsi. Similiter  
& ceteri episcopi subscriperunt.

## XXIV.

Sup. cap.  
14. 1. qu. 4.  
cap. Qui  
apud Do-  
natistas.  
Cod. Can.  
cap. 57.

Vnde quoniam superiori Concilio statutum esse  
mecum recognoscit vnanimitas vstraße, vt hi qui  
apud Donatistas paruuli baptizati sunt, nondum  
scire valentes erroris eorum interitum, & postea-  
quam ad ætatem rationis capacem peruererunt,  
agnita veritate, falsitatem eorum abhorrentes, ad  
ecclesiam Dei catholicam, per vniuersum mundum  
diffusam, ordine antiquo per manus impositionem  
recepti sunt: debere talibus suscipiendum munus  
clericatus non impedire nomen erroris, cum ve-  
ram ecclesiam illorum putauerint, ad fidem acce-  
dendo,